

ივანე ჯავახიშვილის სახელობის თბილისის სახელმწიფო უნივერსიტეტის
პაატა გუგუშვილის სახელობის ეკონომიკის ინსტიტუტის საერთაშორისო სამეცნიერო

კონფერენციები

"ეკონომიკა – XXI საუკუნე"

აკადემიკოს ავთანდილ გუნიას დაბადებიდან 105-ე
წლისთავისადმი მიძღვნილი
საერთაშორისო სამეცნიერო ინტერნეტ-კონფერენცია

მდგრადი განვითარების თანამედროვე ეკონომიკური ტენდენციები

28 დეკემბერი, 2017 წელი

<http://www.conferenceconomics.tsu.ge/?mcat=2&cat=pers1&leng=ge>

ვლადიმერ პაპავა • თამარ თაფლაძე •

ევროკავშირის ეკონომიკური მოდელების შესახებ და საქართველო

ანოტაცია. საქართველოს სწრაფვა, გახდეს ევროპული სახელმწიფო, დღის წესრიგში აყენებს საკითხს იმის შესახებ, თუ უმთავრესად რა ტიპის ეკონომიკური მოდელები გამოიყენება ევროკავშირში. ანგლო-ამერიკულ და “რეინის” მოდელებს შორის არჩევანის გაკეთება თანამედროვე ეტაპზე გაუმართლებელია, რადგან თავად ევროკავშირშიც ადგილი აქვს ამ მოდელების შერწყმის პროცესს. აქედან გამომდინარე, საქართველოსთვისაც დიდი მნიშვნელობა ენიჭება ეკონომიკის ისეთი მოდელის რეალიზაციას, რომელიც ანგლო-ამერიკული და “რეინის” მოდელების სინთეზს დაეფუძნება.

საკვანძო სიტყვები: ევროკავშირი, საქართველოს ეკონომიკა, სინგაპურიზაცია, ანგლო-ამერიკული მოდელი, “რეინის” მოდელი.

ხედვა იმ საკითხის შესახებ, თუ რა მიმართულებით უნდა განვითარდეს საქართველოს ეკონომიკა, რა მოდელს უნდა დაფუძნებოდა ის [Beridze, 2009; Gegeshidze, Papava, 2009; Gogolashvili, 2011; Samson, 2006; Waal, 2011]. ქვეყნის სახელმწიფოებრივი დამოუკიდებლობის აღდგენის შემდეგ დიდი ხნის განმავლობაში ბოლომდე არ იყო ჩამოყალიბებული [Papava, 2013b]. ერთგვარი იმედის მომცემი იყო ”ვარდების რევოლუციის” შემდგომი პერიოდი, თუმცა დიდი დრო არ აღმოჩნდა საჭირო იმედგაცრუებისათვის [Papava, 2006b, 2008a].

2012 წლის 1 ოქტომბრის საპარლამენტო არჩევნებში კოალიცია ”ქართული ოცნების” გამარჯვებამ კვლავ აქტუალური გახადა საქართველოში არჩევანის პრობლემა, რადგანაც დღის წესრიგში ისევ დადგა საკითხი იმის შესახებ, თუ განვითარების რომელი ვექტორი უნდა ყოფილიყო განმსაზღვრელი ”ნაციონალური მოძრაობის” ცხრაწლიანი მმართველობის შემდეგ [Gegeshidze, 2013; Haindrava, 2013; Papava, 2013a; Tarkhan-Mouravi, 2013].

“ქართული ოცნების” სასარგებლოდ ხაზი უნდა გაესვას იმ გარემოებას, რომ რეალურ პრიორიტეტად გაიხადეს ევროკავშირთან ასოცირების შეთანხმების მიღწევა. ამ უკანასკნელის მნიშვნელოვანი შემადგენელი ნაწილი ევროკავშირთან ღრმა და ყოვლისმომცველი თავისუფალი სავაჭრო სივრცის შესახებ შეთანხმებაა (DCFTA) [EPRC, 2014]. “ნაციონალური მოძრაობის” მთავრობისათვის განვითარების ევროპული გზა, სამწუხაროდ, უმთავრესად არტიკულაციით შემოიფარგლებოდა, ხოლო რეალური ქმედებით ყველაფერი კეთდებოდა იმისათვის, რომ საქართველო არ დაახლოებოდა ევროკავშირს [Papava, 2008b, 2011]. რეალურად ქვეყანას კურსი სინგაპურიზაციისაკენ ჰქონდა აღებული [CG, 2010a, 2010b; Dumianski, 2011].

“ქართული ოცნების” მთავრობამ შეძლო ის, რომ საქართველომ 2014 წლის ივნისში ევროკავშირთან ასოცირების შეთანხმებას მოაწერა ხელი [EC, 2016], რომელიც 2016 წლის 1 ივლისიდან ამოქმედდა. ევროკავშირთან ასოცირების შეთანხმების ხელმოწერა და ევროკავშირთან ღრმა და

ყოვლისმომცველი თავისუფალი სავაჭრო სივრცის შეთანხმების ამოქმედება “ქართული ოცნების” მთავრობის ყველაზე მნიშვნელოვან პოზიტიურ ნაბიჯად უნდა ჩაითვალოს.

პოსტკომუნისტურ სივრცეში არაერთი წარმატებული ქვეყანაა, რომელმაც შეძლო ევროპული ტიპის საბაზრო ეკონომიკაზე გადასვლა და ევროკავშირშიც არის გაწევრიანებული. არიან ნაკლებ წარმატებული, თუ საერთოდ წარუმატებელი ქვეყნებიც, სადაც ასეთი ტიპის საბაზრო ეკონომიკაზე საუბარიც კი ზედმეტია [Papava, 2006a]. რაც შეეხება მათ ევროკავშირში წევრობას, ეს ან საერთოდ არ წარმოადგენს მათ მიზანს, ან, უკეთეს შემთხვევაში, შედარებით შორეულ პერსპექტივაში შეიძლება იქნეს მოაზრებული.

თავის მხრივ, ევროკავშირისკენ მიმავალი გზა საჭიროებს იმის გააზრებას, თუ ეკონომიკის რომელი მოდელი უნდა იქნეს საქართველოსთვის გამოყენებული.

ამკარაა, საქართველო ჯერჯერობით არ არის მზად ევროკავშირში გასაწევრიანებლად, მაგრამ საკითხი იმის შესახებ, თუ რეალურად საით მივდივართ, იმისდა მიუხედავად, რომ ოფიციალურ განცხადებებში აქცენტი სწორედ ევრო-ატლანტიკურ სტრუქტურებზეა გაკეთებული, აქტუალურობას სულაც არ არის მოკლებული. ამ მარავალწახნაგოვანი კითხვის ერთ-ერთი მნიშვნელოვანი ასპექტი საქართველოს ეკონომიკის განვითარების ორიენტირია, რადგანაც, თუკი გვინდა საქართველო ოდესმე ევროპის განუყოფელ ნაწილად იქცეს, აუცილებელია ქვეყნის ეკონომიკის ევროპული ტიპის საბაზრო ეკონომიკის მიმართულებით ტრანსფორმაცია [Papava, Tokmazishvili, 2006].

ევროკავშირის ეკონომიკურ მოდელზე მსჯელობა არც ისე ადვილია, რადგანაც ის თავად არის ფორმირების პროცესში. ცნობილია, რომ ევროკავშირში ერთმანეთს “უპირისპირდება” კაპიტალიზმის ორი – ანგლო-ამერიკული და “რეინის” (ანუ გერმანული-იაპონური) მოდელი [Albert, 1991].

ეკონომიკის ანგლო-ამერიკულ მოდელში აქციონერული საკუთრების ხელიდან ხელში გადასვლა სწრაფად და დაბრკოლებების გარეშე ხდება, ბირჟა გადამწყვეტ როლს ასრულებს კომპანიათა დაფინანსებაში, აქციათა 40-60 პროცენტს ინსტიტუციური ინვესტორები (კერძოდ, სადაზღვევო და საპენსიო ფონდები) ფლობენ. ამასთან სახელმწიფო სექტორი შედარებით მცირე მასშტაბისაა, ხოლო სოციალური პოლიტიკა კი სიღარიბისა და უთანასწორობის საკითხის მიმართ ლიბერალური მიდგომით გამოირჩევა, რომლის თანახმადაც უთანასწორობა კონკურენციის ხელშემწყობ სტიმულად აღიქმება, ხოლო სიღარიბე არა იმდენად სახელმწიფოს, რამდენადაც მორალისა და მოწყალეობის პრობლემაა, და კერძო ქველმოქმედების სფეროს განეკუთვნება.

რეინის მოდელში აქციონერ მესაკუთრეთა შემადგენლობა სტაბილურობით გამოირჩევა, აქციონერულ საწარმოთა დაფინანსებაში განსაკუთრებული როლი საბანკო სექტორს ეკუთვნის, ხოლო საფინანსო ბაზრები შედარებით შეზღუდულნი და ნაკლებ აქტიურნი არიან. ამასთან, სახელმწიფო რეგულირების სფერო რეინის მოდელში საკმაოდ ფართოა, სახელმწიფოს როლი მთლიანი შიგა პროდუქტის გადანაწილებაში, კონკურენციის თანაბარი პირობების უზრუნველყოფასა და სოციალურ ამოცანათა გადაჭრაში ძალზე დიდია.

საყურადღებოა, რომ ევროკავშირის მთელ რიგ ქვეყანაში ანგლო-ამერიკული მოდელის რეინის მოდელზე ზეწოლის პირობებში ხდება მათი თანდათანობითი შერწყმა.

განსაკუთრებული აღნიშვნის ღირსია, რომ ევროკავშირის ქვეყნებს არ გააჩნია ერთიანი ეკონომიკური მოდელი, და რომ უფრო კორექტულია ვისაუბროთ საერთო ეკონომიკურ მოდელზე, რომელიც ვერ უზრუნველყოფს სრულ უნიფიკაციას [Albert, 1991]. ამასთან, ხაზგასასმელია, რომ ევროკავშირში მიმდინარე ინტეგრაციული პროცესები სწორედ უნიფიკაციის მნიშვნელობის გაფართოებაზეა ორიენტირებული, რისი თვალსაჩინო მაგალითია საერთო ბაზრიდან ერთიან ბაზარზე გადასვლა, რაც, თავის მხრივ, ეკონომიკური და სავალუტო კავშირის ფორმირების საფუძველი გახდა.

ევროკავშირის ერთ-ერთი ფუძემდებლური პრინციპია “მიღწეულის შენარჩუნება”, რაც განსაკუთრებით მნიშვნელოვანია ევროკავშირში გაწევრიანების კანდიდატი ქვეყნისათვის: ევროკავშირში ერთიანი მოდელის ფორმირების გზაზე ყოველივე ის რა დონეზეც არის უნიფიცირებული კანდიდატი ქვეყნისათვის, უპირობოდაა შესასრულებელი.

ფორმალური ნიშნით თანამედროვე საქართველოსათვისაც არის დამახასიათებელი ხსენებული ორივე მოდელის ელემენტების თანაარსებობა და დაპირისპირება. კერძოდ, საწარმოთა დაფინანსებასა და მათ მესაკუთრეთა ფორმირებაში აშკარად რეინის მოდელს ენიჭება უპირატესობა, რაც საფინანსო ბაზრების შეზღუდულობასა და არააქტიურობაში გამოიხატება, და რაც სახელმწიფოს მიერ გატარებული ოფიციალური კურსის შედეგია [Papava, 2008b]. ამასთან, სახელმწიფო რეგულირების სფერო საქართველოში საკმაოდ შეზღუდულია, რაც ქმნის იმის ილუზიას თითქოს ეს ანგლო-ამერიკული მოდელის სქემაში ჯდებადეს. ყველაზე მკაფიოდ ეს სიღარიბისა და უთანასწორობის საკითხის მიმართ სახელმწიფო პოლიტიკაში იკვეთება [Kakulia, Kapanadze, Kurkhuli, 2017], რაც გარკვეული გულგრილობით (რასაც, ყოვლად გაუმართლებლად, ჩვენში რატომღაც ლიბერალიზმს უწოდებენ) გამოირჩევა [Meskhia, 2008; Papava, 2009], როცა უთანასწორობა რეალურად არც არანაირად არის ხელისუფლების საზრუნავი, ხოლო სიღარიბის დაძლევა კი უმთავრესად იძულებითი (სახელმწიფოს მხრიდან) კერძო ქველმოქმედების სფეროს განეკუთვნება.

ხსენებულიდან გამომდინარე, მიზანშეწონილია, რომ საქართველოში ჩამოყალიბდეს ისეთი ეკონომიკური მოდელი, რომელიც იქნება ანგლო-ამერიკული და რეინის მოდელების გარკვეული აზრით სინთეზი (იქ, სადაც ეს შესაძლებელია), ისე, როგორც ეს დამახასიათებელია ევროკავშირის არაერთი წევრი-სახელმწიფოსთვის. ამასთან, მიზანშეწონილია, რომ განსაკუთრებული ყურადღება დაეთმოს სიღარიბის შემცირების საკითხებს, რომელმაც უნდა შექმნას ობიექტური წინაპირობა ეკონომიკური რეფორმების წარმატებისათვის.

გამოყენებული ლიტერატურა

1. Albert M., 1991. *Capitalisme contre capitalisme*. Paris: Editions du Seuil.
2. Beridze T., 2009. “The National Economic Model and Globalization (the Case of Georgia),” in *Georgia in Transition*. L. King, and G. Khubua, eds. Frankfurt am Main: Peter Lang.
3. CG, 2010a. “Saakashvili: ‘Georgia Switzerland with Elements of Singapore’.” *Civil.Ge*, March 9, www.civil.ge/eng/article.php?id=22064&search.
4. CG, 2010b. “Saakashvili: ‘Singapore, Estonia – Examples for Georgia’.” *Civil.Ge*, February 1, www.civil.ge/eng/article.php?id=23103&search.
5. Dumienki Z., 2011. “Georgia: Singapore of the Caucasus?” *Eurasia Review. News & Analysis*, February 21, www.eurasiareview.com/analysis/georgia-singapore-ofthe-caucasus-21022011/.
6. EC, 2016. “EU-Georgia Association Agreement Fully Enters into Force.” *European Commission*, July 1, www.europa.eu/rapid/press-release_IP-16-2369_en.htm.
7. EPRC, 2014. *European Union’s Agreement on Deep and Comprehensive Free Trade Area and Georgia*. Tbilisi: Economic Policy Research Center.
8. Gegeshidze A., 2013. *Georgia’s Foreign Policy Challenges in the Medium Term*. Expert Opinion 5. Tbilisi: GFSIS, 2013, <https://www.gfsis.org/files/library/opinion-papers/5-expert-opinion-eng.pdf>.
9. Gegeshidze A., Papava V., 2009. “Post-War Georgia Pondering New Models of Development,” *Central Asia-Caucasus Analyst*, Vol. 11, No. 1, January 14.
10. Haindrava I., 2013. “Governance and Modernisation: Experience and Challenges,” *International Alert*, January, 31, 2013, www.international-alert.org/content/democratisation-and-governance-english-ik.

11. Gogolashvili K., 2011. "In Search of Georgia's Economic Model," in *South Caucasus – 20 Years of Independence*. Tbilisi: Friedrich-Ebert-Stiftung, <http://library.fes.de/pdf-files/bueros/georgien/08706.pdf>.
12. Kakulia M., Kapanadze N., Kurkhuli L., 2017. *Chronic Poverty and Income Inequality in Georgia*. Tbilisi: Friedrich-Ebert-Stiftung, <https://www.gfsis.org/files/library/pdf/English-2509.pdf>.
13. Meskhia I., 2008. "Living Standards and Poverty in Georgia." *Georgian Economic Trends*, May.
14. Papava V., 2006a. *Economic Transition to European or Post-Communist Capitalism?* European Association for Comparative Economic Studies (EACES) Working Papers, No. 1, March, www.eaces.net/news/WP-1-06.pdf.
15. Papava V., 2006b. "The Political Economy of Georgia's Rose Revolution." *Orbis. A Journal of World Affairs*, Vol. 50, No. 4.
16. Papava V., 2008a. "Georgia's Hollow Revolution." *The Harvard International Review*, February 06, <http://hir.harvard.edu/article/?a=1682>.
17. Papava V., 2008b. "The Essence of Economic Reforms in Post-Revolution Georgia: What about the European Choice?" *Georgian International Journal of Science and Technology*, Vol. 1, Issue 1.
18. Papava V., 2009. "Poverty Reduction through Private Sector Development in Georgia: Policy, Practice and Perspectives." *Caucasian Review of International Affairs*, Vol. 3(3)–Summer, http://papava.info/publications/Done_Poverty-reduction-through-private-sector-development-in-Georgia.pdf.
19. Papava V., 2011. "Myths about the Georgian Economy." *Democracy & Freedom Watch*, October 18, www.dfwatch.net/myths-aboutthe-georgian-economy-11211-860.
20. Papava V., 2013a. *The Main Challenges of 'Post-Rosy' Georgia's Economic Development*. Expert Opinion 4. Tbilisi: GFSIS, <https://www.gfsis.org/files/library/opinion-papers/4-expert-opinion-eng.pdf>.

21. Papava V., 2013b. *The Vector of Economic Development of Post-Communist Georgia*. Expert Opinion No. 7. Tbilisi: GFSIS, <https://www.gfsis.org/files/library/opinion-papers/7-expert-opinion-eng.pdf>.
22. Papava V., Tokmazishvili M., 2006. "Becoming European. Georgia's Strategy for Joining the EU." *Problems of Post-Communism*, Vol. 53, No. 1.
23. Samson I., 2006. "The Search for a Development Path: Challenges for Georgia," *Georgian Economic Trends*, No. 4, March.
24. Tarkhan-Mouravi G., 2013. "Prospects of Nation-Building in Georgia: Outlook for the Next Seven Years," *International Alert*, January, 31, www.international-alert.org/content/nation-building-english-gtm.
25. Waal T. De, 2011. *Georgia's Choices. Charting a Future in Uncertain Times*. Washington, D.C.: Carnegie Endowment for International Peace, www.carnegieendowment.org/files/georgias_choices.pdf.